

Reglur um mætingarskyldu í meistaranámi til starfsréttinda í félagsráðgjöf

Samþykktar á deildarfundi 7. desember 2023

1. Það er mætingarskylda í öll námskeið í MA námi til starfsréttinda í félagsráðgjöf. Áhersla er á stundvísni og skylt er að mæta í allar kennslustundir.
2. Nemendur bera ábyrgð á að skrá sig í og úr tíma með viðeigandi hætti.
3. Ef nemendur geta ekki sótt tíma vegna veikinda eða vegna lögmætra forfalla s.s. vegna slysa, veikinda eða dauðsfalla nákomenna ber nemanda að tilkynna það með tölvupósti til umsjónarkennara meistaranáms og viðkomandi kennara eins fljótt og auðið er. Skila þarf læknisvottorði til umsjónakennara.
4. Gefa skal nemanda tækifæri til að vinna upp það sem hann kann að missa af vegna lögmætra forfalla ef kostur er. Kennari leggur mat á hvort þetta sé mögulegt að höfðu samráði við deildarforseta.
5. Ef fjarvistir nemanda fara yfir 20% af kennslustundum námskeiðsins missir nemandinn rétt til þess að ljúka námskeiðinu. Slíkt jafngildir úrsögn úr námskeiðinu. Ef ástæður fjarvista eru vegna alvarlegra veikinda eða áfalla nemandans eða náins fjölskyldumeðlims mun vera skoðað hvort hægt sé að bjóða nemanda að vinna aukaverkefni tengdu viðfangsefnum sem hann hefur misst af. Athuga þarf að í ákveðnum tilfellum kemur verkefni ekki í stað viðveru í kennslustundum í klínísku námi því ber umsjónarkennara að meta í hverju tilfelli fyrir sig, hvort það sé unnt.

Nemanda ber að skila læknisvottorði fari fjarvistir yfir 20% af kennslustundum námskeiðsins. Fari fjarvistir nemanda yfir 35% af kennslustundum námskeiðsins mun nemandinn þó ekki fá tækifæri til þess að bæta upp mætingu með því að vinna verkefni, heldur missir hann þá rétt til að ljúka námskeiðinu skilyrðislaust og jafngildir það úrsögn úr námskeiðinu.

Reglur þessar eru í samræmi við 3. mrg. 54. gr. reglna fyrir Háskóla Íslands nr. 569/2009.